

Bosna i Hercegovina  
Federacija Bosne i Hercegovine  
**KANTON SARAJEVO**  
Vlada




Босна и Херцеговина  
Федерација Босне и Херцеговине  
**КАНТОН САРАЈЕВО**  
Влада

Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-49132-12/20  
Sarajevo, 08.12.2020. godine


**Босна и Херцеговина**  
Федерација Босне и Херцеговине  
**KANTON SARAJEVO**  
Јавна установа „Служба за запошљавање“ Кантон Сарајево  
САРАЈЕВО



Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi Prečišćeni tekst i 37/14 – Ispravka) i člana 4. Zakona o posredovanju u zapošljavanju i socijalnoj sigurnosti nezaposlenih osoba („Službene novine Kantona Sarajevo“, broj: 4/04, 29/09 i 18/13) Vlada Kantona Sarajevo, na **45.** sjednici održanoj **08.12.2020.** godine, donijela je

## ZAKLJUČAK

Utvrđuje se Program mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2020. godini, koji je sastavni dio ovog zaključka.



**PREMIJEER**

Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje“ Kantona Sarajevo Sarajevo  
(putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. Arhiva.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1





Broj: 02-04-49132-12.1/20  
Sarajevo, 08.12.2020. godine

Na osnovu člana 4. stav (1), a u vezi članom 9. i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", broj: 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javne ustanove "Služba za zapošljavanje Kantona Sarajevo" Sarajevo Vlada Kantona Sarajevo, na 45. sjednici održanoj **08.12.2020.** godine, donijela je

**PROGRAM MJERA**  
**za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2020. godini**

**OPŠTE ODREDBE**

**Član 1.**

Programom mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2020. godini, (u daljem tekstu: Program), definišu se pojedinačne podsticajne mjere, utvrđuju finansijska sredstva, te kriteriji, ciljevi i rokovi realizacije svake od predviđenih podsticajnih mjeru, način praćenja realizacije svake od predviđenih podsticajnih mjeru, način objavljivanja javnih poziva, praćenje efekata, te druga pitanja od značaja za provođenje Programa.

**POJEDINAČNE PODSTICAJNE MJERE**

**Član 2.**

Pojedinačne podsticajne mjeru koje će se realizirati u 2020. godini su:

1. Program sufinansiranja zapošljavanja „Posao za sve“;
2. Program sufinansiranja zapošljavanja pripravnika sa VSS;
3. Program sufinansiranja samozapošljavanja nezaposlenih osoba;
4. Program sufinansiranja zapošljavanja vatrogasaca pripravnika;
5. Program sufinansiranja zapošljavanja medicinskog kadra u javne zdravstvene ustanove sa područja Kantona Sarajevo;



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



## **FINANSIJSKA SREDSTVA**

### **Član 3.**

Finansijska sredstva za realizaciju pojedinačnih podsticajnih mjera iz člana 2. Programa, obezbjeđuje Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba) u iznosu od 10.898.934,00 KM i ista se raspoređuju na pojedinačne podsticajne mjere na slijedeći način:

1. Program sufinansiranja zapošljavanja „Posao za sve“ – 5.086.934,00 KM za 529 nezaposlenih osoba;
2. Program sufinansiranja zapošljavanja pripravnika sa VSS, VŠS – 1.920.000,00 KM za 200 pripravnika;
3. Program sufinansiranja samozapošljavanja nezaposlenih osoba – 2.500.000,00 KM za 250 nezaposlenih osoba;
4. Program sufinansiranja zapošljavanja vatrogasaca pripravnika – 192.000,00 KM za 40 nezaposlenih osoba iz ciljne kategorije;
5. Program sufinansiranja zapošljavanja medicinskog kadra u javne zdravstvene ustanove sa područja Kantona Sarajevo – 1.200.000,00 KM za 200 nezaposlenih osoba i to: 100 sa VSS i VŠS i 100 sa SSS.

## **CILJEVI, KRITERIJI I ROKOVI REALIZACIJE PROGRAMA**

### **Član 4.**

#### *PROGRAM SUFINANSIRANJA ZAPOŠLJAVANJA „POSAO ZA SVE“*

- 1) Program sufinansiranja zapošljavanja „Posao za sve“ (u daljem tekstu: Program „Posao za sve“) realizuje se zapošljavanjem nezaposlenih osoba kod poslodavaca sa područja Kantona Sarajevo.
- 2) Cilj Programa „Posao za sve“ je obezbjeđenje potrebne kvalifikacione strukture radne snage i kraće trajanje nezaposlenosti.
- 3) U Programu „Posao za sve“ prednost za učešće imaju nezaposlene osobe: demobilisani borci, djeca demobilisanih boraca, šehidske porodice, RVI, djeca RVI koja imaju 100 % procenat invalidnosti, djeca dobitnika najvećih ratnih priznanja, civilne žrtve rata, osobe koje su na evidenciji nezaposlenih najmanje 24 mjeseca prije objave javnog poziva, bivši štićenici domova za djecu bez roditeljskog staranja, liječeni ovisnici o psihoaktivnim supstancama, Romi, osobe koje ostvaruju pravo na dječiji dodatak i njihova djeca, lica sa invaliditetom i lica koja ostvaruju pravo na novčanu naknadu za vrijeme čekanja na zaposlenje, samohrani roditelji i njihova djeca, korisnici javnih kuhinja, osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- 4) Služba će poslodavcima koji budu obuhvaćeni ovim programom, mjesечно, 12 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- 5) Poslodavci koji žele učestvovati u Programu „Posao za sve“ dužni su:

1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korsnik šifra budžetskog korisnika), sve u orginalu ili ovjerenoj fotokopiji.
- 6) Poslodavci koji redovno ne izmiruju obaveze uplate javnih prihoda ne mogu učestvovati u Programu „Posao za sve“, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanim ugovorom.
- 7) Kriteriji za vrednovanje aplikacija su:
1. djelatnost poslodavca: proizvodna i turistička - 4 boda, ostale djelatnosti – 2 boda,
  2. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba – 2 boda;
  3. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
  4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
  5. poslodavci koji su osnovani u 2020.godini - 2 boda, ostali poslodavci - 1 bod,
  6. poslodavci sa većinskim privatnim vlasništvom – 4 boda, ostali poslodavci – 2 boda.
- 8) Kod istog broja bodova prednost se daje poslodavcu koji je prije podnio aplikaciju za učešće u ovom programu.
- 9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
- 10) Poslodavcu se neće sufinansirati zapošljavanje osoba koje je otpustio u posljednjih 12 mjeseci od dana objave javnog poziva za ovaj program.
- 11) Izuzetno, odredbe stavova (9) i (10) ovog člana, ne odnosi se na poslodavce iz javnog sektora.
- 12) Pravo učešća u Programu „Posao za sve“ imaju sve nezaposlene osobe bez obzira na radno iskustvo, dob i stepen stručne spreme, prijavljene na evidenciju nezaposlenih u Kantonu Sarajevo prije objave javnog poziva za ovaj program.
- 13) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu „Posao za sve“. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu „Posao za sve“ su prihvачene i eventualne anexe ugovora.

- 14) Ugovorom iz stava (13) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja uz gore navedene izuzetke, obavezu pravdanja pomenutih troškova i dr.
- 15) Rok za realizaciju Programa „Posao za sve“ je 15 mjeseci od dana potpisivanja pojedinačnih ugovora iz stava (13) ovog člana, uključujući i eventualne anexe ugovora.

## Član 5.

### *PROGRAMI SUFINANSIRANJA ZAPOŠLJAVANJA PRIPRAVNIKA SA VSS*

- 1) Program sufinansiranja zapošljavanja pripravnika sa VSS (u daljem tekstu: Program zapošljavanja pripravnika), realizuje se zapošljavanjem nezaposlenih osoba bez radnog iskustva u struci kod poslodavaca sa područja Kantona Sarajevo.
- 2) Cilj Programa zapošljavanja pripravnika je kraće trajanje nezaposlenosti osoba bez radnog iskustva.
- 3) Služba će poslodavcima koji budu obuhvaćeni ovim programom, mjesечно, 12 mjeseci, refundirati sredstva u ukupnom iznosu od 800,00 KM, po novo uposlenom pripravniku, za cijelu ili dio isplate bruto plaće. Svi drugi eventualni troškovi padaju na teret poslodavca.
- 4) Pripravnici medicinske struke po ovom Programu neće se stručno osposobljavati.
- 5) Poslodavci koji žele učestvovati u Programu zapošljavanja pripravnika dužni su:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnositelj aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korsnik šifra budžetskog korisnika), sve u orginalu ili ovjerenoj fotokopiji.
- 6) U Programu zapošljavanja pripravnika ne mogu učestvovati:
  1. poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisani ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisom ugovoru,
  2. poslodavci koji nemaju radnika prijavljenih na penzijsko – invalidsko osiguranje.

7) Kriteriji za vrednovanje aplikacija su:

1. djelatnost poslodavca: proizvodna i turistička - 4 boda, ostale djelatnosti – 2 boda,
  2. poslodavci koji potražuju: Pripravnike suficitarnih zanimanja – 3 boda, pripravnike deficitarnih zanimanja – 1 bod, (pod suficitarnim zanimanjima se podrazumjevaju zanimanja kojih na dan 30.06.2020.godine na evidenciji nezaposlenih Službe ima 100 i više, a pod deficitarnim zanimanjima se podrazumijevaju zanimanja kojih na dan 30.06.2020. godine na evidenciji nezaposlenih Službe ima manje od 100),
  3. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
  4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
  5. poslodavci koji trenutno nisu korisnici programa sufinansiranja zapošljavanja koje finansira Federalni zavod za zapošljavanje ili Služba – 3 boda,
  6. poslodavci koji su osnovani u 2020.godini - 2 boda, ostali poslodavci - 1 bod,
  7. poslodavci sa većinskim privatnim vlasništvom – 4 boda, ostali poslodavci – 2 boda.
- 8) U slučaju da nakon vrednovanja aplikacija, dva ili više poslodavaca imaju jednak broj bodova, prednost se daje poslodavcu koji je prije podnio aplikaciju za učešće u programu iz ovog člana.
  - 9) Poslodavci korisnici Programa zapošljavanja pripravnika dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.
  - 10) U Programu zapošljavanja pripravnika prednost za učešće imaju nezaposlene osobe: djeca demobilisanih boraca, šehidske porodice, RVI, djeca RVI koji imaju 100 % procenat invalidnosti, djeca dobitnika najvećih ratnih priznanja, civilne žrtve rata, osobe koje su na evidenciji nezaposlenih najmanje 24 mjeseca prije objave javnog poziva, bivši štićenici domova za djecu bez roditeljskog staranja, liječeni ovisnici o psihoaktivnim supstancama, Romi, lica sa invaliditetom, djeca samohranih roditelja, korisnici javnih kuhinja, djeca sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
  - 11) Pravo učešća u Programu zapošljavanja pripravnika imaju nezaposlene osobe bez radnog iskustva u struci, prijavljene na evidenciju nezaposlenih u Kantonu Sarajevo prije objave javnog poziva za ovaj program.
  - 12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu zapošljavanja pripravnika. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu zapošljavanja pripravnika su prihvaćene i eventualne anexe ugovora.
  - 13) Ugovorom između Službe i poslodavca, uređuju se međusobna prava i obaveze, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva,

uvećan za broj sufinansiranih pripravnika do isteka perioda sufinansiranja uz gore navedene izuzetke, obavezu pravdanja pomenutih troškova i dr.

14) Rok za realizaciju Programu zapošljavanja pripravnika je 15 mjeseci od dana potpisivanja ugovora sa poslodavcem iz stava (12) ovog člana, uključujući i eventualne anexe ugovora.“

## Član 6.

### *PROGRAM SUFINANSIRANJA SAMOZAPOŠLJAVANJA*

- 1) Program sufinansiranja samozapošljavanja nezaposlenih osoba (u daljem tekstu: Program samozapošljavanja), realizuje se njihovim samozapošljavanjem, odnosno pokretanjem samostalne djelatnosti.
- 2) Cilj Program sufinansiranja samozapošljavanja je kraće trajanje nezaposlenosti nezaposlenih osoba i stimulisanje njihovog samozapošljavanja.
- 3) Pravo učešća u Programu samozapošljavanja imaju nezaposlene osobe, prijavljene na evidenciju nezaposlenih u Kantonu Sarajevo, prije objave javnog poziva za ovaj program, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do sada nisu koristile sredstva za samozapošljavanje od strane Službe i Federalnog zavoda za zapošljavanje.
- 4) Služba će nezaposlenim osobama, koje budu obuhvaćene ovim programom i registruju samostalnu djelatnost, na ime troškova registracije, doznačiti sredstva u iznosu od 400,00 KM, te mjesечно, u trajanju od 12 mjeseci, refundirati sredstva u ukupnom iznosu od 800,00 KM, za isplatu plaća i uplatu zakonom propisanih poreza i doprinosa.
- 5) Programom samozapošljavanja neće se sufinansirati osnivanje udruženja, fondacija i domaće radinosti kao ni aplikacije osoba koje su već koristile sredstva za ove namjene od strane Službe ili Federalnog zavoda za zapošljavanje.
- 6) Nezaposlene osobe koje žele učestvovati u ovom programu dužne su podnijeti:
  - aplikaciju na propisanom obrascu sa navedenim osnovnim elementima samozapošljavanja,
  - izjavu ovjerenu kod općinskog organa ili notara, a koja je sastavni dio aplikacije,
  - obaveznu formu poslovnog projekta, propisanu od strane Službe,
  - aplikanti koji žele da registruju poljoprivrednu djelatnost dužni su priložiti potvrdu da imaju registrovano poljoprivredno gazdinstvo.
- 7) Kriteriji za vrednovanje aplikacija su:
  - aplikanti koji su na evidenciji nezaposlenih:
    - do 12 mjeseci.....1 bod,
    - od 12 do 48 mjeseci.....3 boda,
    - preko 48 mjeseci.....5 bodova.
  - aplikanti koji će registrirati:
    - proizvodnu, turističku ili djelatnost iz IT sektora.....7 bodova,
    - proizvodno uslužno zanatstvo i stručne usluge.....5 bodova,
    - poljoprivredna djelatnost.....2 boda,
    - ostale djelatnosti.....1 bod.

- aplikanti koji će registrovati društvo sa ograničenom odgovornošću.....5 bodova.
- ocjena poslovnog projekta:
  - zadovoljava.....5 bodova,
  - dobra.....7 bodova,
  - odlična.....10 bodova,
- aplikanti koji su članovi šehidskih porodica i porodica poginulih boraca.....5 bodova,
- aplikanti demobilisani borci i članovi njihovih porodica.....3 boda.

## KRITERIJI ZA OCJENU POSLOVNIH PROJEKATA APLIKANATA

### KRITERIJ 1: INOVATIVNOST IDEJE

- Da li je poslovna ideja inovativna i na koji način? (do 5 bodova) \_\_\_\_\_
- Da li je opis poslovne ideje dovoljno jasan? (do 5 bodova) \_\_\_\_\_
- Da li su u opisu identifikovane potrebe kupaca koje se nastoje zadovoljiti poslovnom idejom? (do 5 bodova) \_\_\_\_\_

### KRITERIJ 2: KVALIFIKACIJE

- Kvalifikacije aplikanta (iskustvo, znanje, motiv, stručnost,...) za pokretanje biznisa u navedenoj djelatnosti? (do 15 bodova) \_\_\_\_\_

### KRITERIJ 3: PROIZVOD/USLUGA

- Po čemu će proizvod/usluga biti jedinstven? (do 5 bodova) \_\_\_\_\_
- Da li su navedene sve najvažnije karakteristike proizvoda/usluge koji će se nuditi na tržištu? (do 3 boda) \_\_\_\_\_
- Da li je jasna namjena proizvoda/usluge? (do 3 boda) \_\_\_\_\_
- Postoji li detaljno opisan proces izrade proizvoda/usluge? (do 3 boda) \_\_\_\_\_
- Da li su svi potrebni resursi za izradu proizvoda/usluge raspoloživi? (do 3 boda) \_\_\_\_\_
- Ima li proizvod ili usluga štetan uticaj po okolini? (do 3 boda) \_\_\_\_\_

### KRITERIJ 4: TRŽIŠTE

- Postoje li informacije o provedenom istraživanju tržišta? (do 3 boda) \_\_\_\_\_
- Da li je izvršena segmentacija tržišta i identifikovani ciljni kupci? (do 3 boda) \_\_\_\_\_
- Koji su trendovi na ciljnem tržištu? (do 3 boda) \_\_\_\_\_
- Da li je urađena analiza konkurenčije i konkurenčkih snaga? (do 3 boda) \_\_\_\_\_
- Da li su navedene preferencije potencijalnih kupaca? (do 3 boda) \_\_\_\_\_
- Postoji li plan prodaje proizvoda/usluga i da li je realan? (do 3 boda) \_\_\_\_\_
- Da li je naveden plan nastupa na tržištu i način upotrebe instrumenata marketinga? (do 7 bodova) \_\_\_\_\_

### KRITERIJ 5: FINANSIJE

- Da li su realno procijenjena sve neophodna ulaganja za početak rada? (do 3 boda) \_\_\_\_\_
- Da li su ukalkulisani svi troškovi poslovanja za posmatrani period? (do 3 boda) \_\_\_\_\_
- Da li su prihodi realno procijenjeni? (do 3 boda) \_\_\_\_\_
- Ocjena profitabilnosti i likvidnosti (do 3 boda) \_\_\_\_\_
- Mogućnost da aplikant obezbijedi neophodna sredstva za početak rada (do 3 boda) \_\_\_\_\_

## KRITERIJ 6: ORGANIZACIJA POSLOVANJA I ANALIZA RIZIKA

- Da li su jasna zaduženja aplikanta i utvrđeni rokovi za izvršenje planiranih zadataka? (do 5 bodova) \_\_\_\_\_
- Da li su navedeni najznačajniji kritični faktori za pokretanje biznisa te načini za njihovo prevazilaženje (do 5 bodova) \_\_\_\_\_

Obrazac za ocjenu poslovnog Projekta:

IME I PREZIME APLIKANTA

POSLOVNA IDEJA:	Maksimum bodova 100	Dobveni bodovi
-----------------	------------------------	----------------

1. INOVATIVNOST IDEJE	15	
2. KVALIFIKACIJE APLIKANTA	15	
3. PROIZVOD/USLUGA	20	
4. TRŽIŠTE	25	
5. FINANSIJE	15	
6. ORGANIZACIJA POSLOVANJA I PROCJENA RIZIKA	10	

UKUPNO REZULTAT:	100	
------------------	-----	--

Poslovni plan do 30 bodova ocjenjuje se konačnom ocjenom – ZADOVOLJAVA

Poslovni plan od 31 do 80 bodova ocjenjuje se konačnom ocjenom – DOBAR

Poslovni plan preko 81 boda ocjenjuje se konačnom ocjenom – ODLIČAN

KONAČNA OCJENA: \_\_\_\_\_

- 8) Kod istog broja bodova, prednost se daje aplikantu koji je duže vrijeme na evidenciji nezaposlenih.
- 9) Aplikacije iz prethodnog stava se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu samozapošljavanja. Na prijedlog Upravnog odbora Službe, ovu listu usvaja Vlada Kantona Sarajevo, a po usvajanju iste, direktor Službe, zaključuje ugovore sa aplikantima čije su aplikacije za učešće u Programu samozapošljavanja su prihvaćene.
- 10) Ugovorom iz prethodnog stava, uređuju se prava i obaveze Službe i aplikanta, obaveza isplate plaće i zakonom propisanih poreza i doprinosa, obavezu pravdanja pomenutih troškova i dr.

- 11) Rok za realizaciju Programa samozapošljavanja je 18 mjeseci od dana usvajanja listi iz stava (9) ovog člana.

## Član 7.

### *PROGRAM SUFINANSIRANJA ZAPOŠLJAVANJA VATROGASACA PRIPRAVNIKA*

- 1) Program sufinansiranja zapošljavanja vatrogasaca pripravnika (u daljem tekstu: Program) realizuje se zapošljavanjem nezaposlenih osoba iz ciljne kategorije u Kantonalnu upravu civilne zaštite Kantona Sarajevo radi obavljanja pripravničkog staža - obuke.
- 2) Cilj Programa je kraće trajanje nezaposlenosti i obezbjeđenje kvalifikacione strukture radne snage.
- 3) U Programu pravo učešće imaju nezaposlene osobe prijavljene na evidenciju nezaposlenih u Kantonu Sarajevo prije objave javnog poziva za ovaj program, a koje ispunjavaju i posebne uslove u skladu sa Zakonom o zaštiti od požara i vatrogastvu („Službene novine FBIH“, broj: 64/09).
- 4) Služba će Kantonalnoj upravi civilne zaštite Kantona Sarajevo, mjesечно, 6 mjeseci, refundirati sredstva u ukupnom iznosu od 800,00 KM, po novouposlenoj osobi, za cijelu ili dio isplate bruto plaće. Svi drugi eventualni troškovi padaju na teret poslodavca.
- 5) Kantonalna uprava civilne zaštite Kantona Sarajevo dužna je:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem i broj računa u banci (šifru budžetskog korisnika), sve u orginalu ili ovjerenoj fotokopiji.
- 6) Na osnovu navedenog Služba utvrđuje prijedlog liste poslodavca za učešće u Programu. Na prijedlog Upravnog odbora Službe, listu poslodavca usvaja Vlada Kantona Sarajevo. Nakon što Vlada Kantona Sarajevo usvoji predloženu listu, direktor Službe zaključuje ugovor sa aplikantom.
- 7) Ugovorom iz stava (6) ovog člana uređuju se prava i obaveze Službe i poslodavca, pravo poslodavca za izbor nezaposlene osobe u skladu sa Zakonom o zaštiti od požara i vatrogastvu, te obavezu zaključivanja ugovora o radu sa nezaposlenom osobom sa punim radnim vremenom na period od najmanje 6 mjeseci, obavezu isplate naknada i pripadajućih poreza i doprinosa za zaposlenu osobu.
- 8) Rok za realizaciju Programa je 9 mjeseci od dana potpisivanja pojedinačnih ugovora iz stava (6) ovog člana, uključujući i eventualne anexe ugovora.

## Član 8.

### *PROGRAM SUFINANSIRANJA ZAPOŠLJAVANJA MEDICINSKOG KADRA U JAVNE ZDRAVSTVENE USTANOVE SA PODRUČJA KANTONA SARAJEVO*

- 1) Program sufinansiranja zapošljavanja medicinskog kadra u javne zdravstvene ustanove (u daljem tekstu: Program) realizuje se zapošljavanjem nezaposlenih osoba u zdravstvene ustanove sa područja Kantona Sarajevo.
- 2) Cilj Programa je obezbjeđenje potrebne kvalifikacione strukture radne snage.

- 3) U Programu pravo učešća imaju nezaposlene osobe, prijavljene na evidenciju nezaposlenih u Kantonu Sarajevo.
- 4) Služba će javnim zdravstvenim ustanovama koje budu obuhvaćene ovim programom, mjesечно, 3 mjeseca, refundirati sredstva u ukupnom iznosu od 2.500,00 KM, po novouposlenoj osobi sa VSS i VŠS, te 1.500,00 KM po novouposlenoj osobi sa SSS, za cijelu ili dio isplate bruto plaće. Svi drugi eventualni troškovi padaju na teret poslodavca.
- 5) Zdravstvene ustanove koje žele učestvovati u Programu dužne su:
  1. podnijeti aplikaciju u roku predviđenom u javnom pozivu,
  2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem i broj računa u banci (ako je poslodavac budžetski korisnik šifru budžetskog korisnika), sve u orginalu ili ovjerenoj fotokopiji.
- 6) Javni poziv za ovaj Program ostaje otvoren do utroška sredstava, a odobravanje aplikacija vršit će se prema vremenu i redoslijedu zaprimanja na protokolu Službe.
- 7) Služba zadržava pravo da na osnovu vlastite procjene i stvarne potrebe aplikanta, vrši predlaganje broja osoba koje će se sufinansirati.
- 8) Odobravanje aplikacija vrši se po vremenu i redoslijedu zaprimanja na protokolu Službe i na osnovu toga utvrđuje se prijedlog liste javnih zdravstvenih ustanova za učešće u Programu. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste, direktor Službe zaključuje ugovore sa aplikantima čije aplikacije za učešće u Programu su prihvaćene i eventualne anexe ugovora.
- 9) Ugovorom iz stava (8) ovog člana uređuju se prava i obaveze Službe i javnih zdravstvenih ustanova, pravo za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 3 mjeseca, obavezu isplate naknada i pripadajućih poreza i doprinosa za zaposlenu osobu, obavezu pravdanja pomenutih troškova i dr.
- 10) Rok za realizaciju Programa je 6 mjeseci od dana potpisivanja pojedinačnih ugovora iz stava (8) ovog člana, uključujući i eventualne anexe ugovora.

## PRAĆENJE REALIZACIJE PROGRAMA

### Član 9.

- 1) Realizacija Programa mjera je u nadležnosti Službe u skladu sa članom 7. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo.
- 2) Monitoring i evaluacija pojedinačnih podsticajnih mjera navedenih u ovom programu, vršit će se u skladu sa rješenjem Ministarstva za rad, socijalnu politiku, raseljena lica i izbjeglice Kantona Sarajevo.
- 3) Vlada Kantona Sarajevo, nadležna je da:
  1. usvaja liste poslodavaca/nezaposlenih osoba koji ispunjavaju uslove za učešće u pojedinačnim podsticajnim mjerama ovog Programa,
  2. usvaja liste poslodavaca/nezaposlenih osoba koji ne ispunjavaju uslove za učešće u pojedinačnim podsticajnim mjerama ovog Programa.

4) Upravni odbor Službe, nadležan je da:

1. odobrava uključivanje poslodavaca/nezaposlenih osoba u realizaciju ovog programa koji su sljedeći na listi poslodavaca/nezaposlenih osoba koji će realizirati program ukoliko prethodni sa liste odustane,
2. vrši izmjenu i dopunu listi poslodavaca/nezaposlenih osoba ukoliko poslodavac/nezaposlena osoba odustane od učešća u ovom programu na osnovu čega će se potpisivati anexi ugovora,
3. razmatranje prigovora.

## **OSTALE ODREDBE**

### **Član 10.**

Rok za podnošenje prigovora je 8 dana od dana objavlјivanja rezultata javnih poziva na web stranici Službe.

### **Član 11.**

Služba će u roku od 15 dana od dana utvrđivanja ovog Programa, za pojedinačne podsticajne mjere, objaviti javne pozive za učestvovanje u realizaciji Programa, najmanje u jednom dnevnom listu koji izlazi u Kantonu Sarajevo i na web stranici Službe.

### **Član 12.**

U slučaju da se ne utroše novčana sredstva namijenjena za realizaciju odredene podsticajne mjere, Služba će ponoviti javni poziv u skladu sa Programom, za tu podsticajnu mjeru ili preusmjeriti sredstva na druge programe.

### **Član 13.**

O efektima realizacije ovog programa, Služba će izvještavati osnivača putem godišnjih izvještaja o radu.

### **Član 14.**

Rezultati javnih poziva objavljivat će se na web stranici Službe, a uz primjenu Zakona o zaštiti ličnih podataka (Službeni glasnik BiH“, broj: 49/06, 76/11 i 89/11).

### **Član 15.**

Ovaj program će se primjenjivati narednog dana od dana utvrđivanja od strane Vlade Kantona Sarajevo.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,

4. Ministarstvo za rad, socijalnu politiku, raseljena lica i izbjeglice Kantona Sarajevo,
5. Ministarstvo privrede Kantona Sarajevo,
6. Javna ustanova „Služba za zapošljavanje Kantona Sarajevo“ Sarajevo  
(putem Ministarstva za rad, socijalnu politiku, raseljena lica i izbjeglice Kantona Sarajevo),
7. Evidencija,
8. A r h i v a.



---

web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

